



شخت جلیلم اسلامیک جریدہ رسمیه پیدر

رجب الفرد ۱۳۳۴ [*]

عدو: ۶۵

آیدہ بر نشر اول نور

اوپر خجی سنہ

معجلنی بعدالایفا زوجہ سی مزبورہ بی مادون السفر مسافہ دہ بولنان قریہ سنہ معترض.
مرقومك حق نقلی بولندینی دخی نظر دقہ آلمانش اولدیغندن سبکی مختلدر .

★
★ ★

— قوله قضای محکمہ شرعیہ سندن اعطا اولنان ۲۸ ذی الحجہ سنہ ۳۳۳ تاریخلی اعلامك
اسباب نقضی :

اعلام مذکورده مبالغ مذکورده دن ایکی بشی برلك آلتونلر مزبورہ یه طاقلمق
ومتبایسی دخی خرج و صرف ایدلك اوزره مدعی علیه مرقومك مقبوضی اولدیغنی
طرفین متداعین افاده ایدرك مبالغ مذکورہ حقندہ مدعی علیه مرقومك یدی ید امانت
اولدیغنی روش اشعاردن مستفاد اولسنہ نظراً حادثہ ده رد وضمانك عدم لزومی امرندہ
مرقومك مع الیمین قولیلہ تصدیقی مقتضی بولمشیکن بروجه محرر طلب ایدیلاں بینہ
واجرا قلنان یمین معکوس وغیر مستقیم اولغلہ سبکی مختل اولغین بو صورتده مدعی علیه
مرقومك یدی اولوجهلہ ید امانت اولدیغنی بر نہج شرعی تین ایتدیکی حالده رد وضمانك
عدم لزومہ دائر مرقومك بالطلب تحلیفیلہ مدعی مزبورك منع معارضہ سنہ حکم توقیعی
ومبالغ مذکورہ بی مزبورہ جنتدن دعوادہ مختار بولندیغنك مدعی یه تہیمی ضمتندہ
محله اعادہ قلندی .



مجلس تدقیقات شرعیہ مقرراتی

اسکدار محکمہ سندن ۵ جمادی الاولی سنہ ۱۳۳۲ تاریخیلہ اعطا اولنان اعلام حقندہ

مذکور اعلام و علی صلاح الدین امضا ومهرلی لایحہ اعتراضیہ مطالعہ اولندی .
اعلام مذکورك خلاصہ مآلی علی صلاح الدین بك مجلس شرعده متوفی حسین حبیب
اقدینك زوجہ سی ثاقبہ خانم مواجہہ سندہ لاب برادرلری اولوب والدہ لری مومی الہانك
نزدندہ بولنان اون ایکی یاشندہ صالح واون یاشندہ احمد عاصم وسکز یاشندہ محمد فتحی
بککر حضانہ دن ساقط وتربیہ ومحافظہ لری کندیسنہ عائد اولدیغندن بالبحث صغار موما
الہمك طرفہ تسلیمنی دعوی ایلمسی اوزرینہ جریان ایدن محاکمہ نتیجہ سندہ موما الیہ

على صلاح الدين بك باباسى متوفى موما اليه حياتنده كنديسنى وصى مختار نصب ايدوب
قسام عموميده اجرا قلنان محاكمده تركيه وضع يد ايتكمسزين وبر كونا خياتى ثابت
اولمقسزين قناعت قاضى ايله عزل ايدلديكنى اعتراف ايتمكين موجبجه ولايتى مختل
اولوب محمودالحال اولماسنه بناءً دعواى مذ كوره سى مسموع اولمدينى كندوسنه تفهيم
ومعارضه دن منع اولنديغنى ناطق ونتيجهً مالى منع مذ كورى بيانن عبارت ديوفتواخانه
عاليدن بالايه محررايسهده سالف الذ كرلايحه محتوياتنه واوراقى مياننده بولنان قاضيعسكرلك
محكمه سندن اعطا اولنوب بالتصديق كسب قطعت ايدن اعلامه نظراً يكيدين محاكمه
اجراسى ضمتنده قاضيعسكرلك محكمه عليه سنه توديع ايدلدى .

★
★ ★

اسكيشهر محكمه سندن غره جمادى الاخره سنه ۱۳۳۴ تاريخيله اعطا اولنان اعلام حقنده
مذ كور اعلام شرعى واسكيشهر اموال ايتام مديرى محمد كاظم امضا ومهرلى لايحه
اعتراضيه مطالعه اولندى .

اعلام مذ كورك خلاصهً مالى مديحه خانمك وكيلى على ضيا بك مجلس شرعه
متوفى رجائى بكك تركه سنه بالمأموريه واضع اليد اولوب خصومتى رأى اولنان ايتام
مديرى محمد كاظم اقدى مواجهه سنده وراثى زوجه سى موكله مزبورده مديحه خانم
صغيره قزى عايشه بانو و اناسى كلفم خاتون ولايون قرنداشلرى حافظ زهدى وحسنى
ومحمد پرتو اقسديلره منحصره اولان متوفى مزبور ذمتنده موكله سى مزبورده نك
مهر معجل ومؤجل آلاجنى اولان اون بيك بر غروشى مدير مومى اليهك بالمأموريه
واضع اليد اولدينى تركه متوفى مزبور دن بالااضافه طرفه تسليمه تنبيه اولمسنى دعوى
وانكاره مقارن بروجه محرر وراثت ومهرين مدعالرينى بالينه اثبات ايتد كدن صكره
موكله مزبورده استظهاراً تحليف اولنمفين موجبجه بالحكم مهرين مذ كورينى تركه
متوفى مزبور دن مدعيه وكيلى مزبورده ادا وتسليمه مدير مومى اليه تنبيه اولنديغنى ناطق
ونتيجهً مالى تنبيه مذ كور حقنده اصولنه موافق ديوفتواخانه عاليدن بالايه محررايسهده
اعلام مذ كور عينا جلب وتدقيق ايديلان ضبطنه مخالف وضبط مذ كور قسماً مشوش
اولمغله يكيدين اجراى محاكمه ضمتنده اوراق تميزيه ايله ضبط مذ كور لواء مذ كور
قاضيلكنه اعاده قلندى .

★
★ ★

اینه بولی محکمه سندن ۷ جمادی الاخره سنه ۱۳۳۴ تاریخیه اعطا اولنان اعلام حقنده

مذکور اعلام شرعی و محمد امضا و مهرلی لایحه اعتراضیه مطالعه اولندی .
اعلام مذکورک خلاصه مآلی حتی اقدی مجلسده متوفی نوری اقدینک اولاد صفاری ماهر و احمد و خیریه نک و صیلری اولوب ترکه سنه وضع ید ایدن محمد اقدی مواجهه سنده وراثتی زوجة منکوحه مدخول بهاسی موکله مزبوره ایله اولاد صفاری مزبورونه منحصرأ وفات ایدن مزبور نوری اقدی ذمتنده موکله سنک مهر مؤجل الاجنی اولان بیک بشیوز غروشک ترکه سندن طرفه تسلیمنی دعوی و مدعی علیه وصی مزبور دخی ترکه متوفایه وضع یدینی اقرار و مهر مؤجلی انکار ایلسی اوزرینه مدعیه وکیلی بروجه محرر مدعاسنی بالینه بعدالاثبات مزبوره استظهاراً تحلیف اولمغله موجبجه مبلغ مدعابه مذکور ذی ترکه متوفای مزبور دن مدعیه مزبوره یه ادا و تسلیمه وصی مزبوره تنیه اولندیغنی ناطق ایسه ده نتیجه مآلی مدعیه مزبوره نک نکاح صحیح ایله متوفانک حیاتنده زوجہ سی اولدیغنی و یاعقدلرینک محضر شهودده اجرا ایدلیدی دعوی و شهادتده ذکر ایدلمش ایسه تنیه مذکور حقنده اصولنه موافق دیو فتواخانه عالیدن بالایه محرر قید اوراقی میاننده بولسان ضبط دعوی صورت مصدقه سندن دخی حل اولنه مادیغندن یکیدن اجرای محاکمه ضمنده اشبو اوراق تمیزیه قضاء مذکور قاضیلکنه مظروفاً اعاده قلندی .

★
★ ★

قسام عمومی محکمه سندن ۱۹ رجب سنه ۱۳۳۴ تاریخیه اعطا اولنان حجت حقنده

اشبو حجت شرعی و فلکی امضا و مهرلی لایحه اعتراضیه مطالعه اولندی .
حجت مذکورک خلاصه مآلی غازی عثمان پاشا مرحومک حلیله سی فاطمه خانمک باستدعا وقوعبولان مراجعتنه مبنی معتقه جاریه سی اولوب عته شیخی یه مبتلا اولان فلکی قادینک حال صحوینه دکن مالی حفظ و حراست و امور لازمه سنی تسویه ورؤیته امانت و استقامتی بالاخبار تحقیق ایدن مومی الیها فاطمه خانم قبل شرعدن وصی نصب ایدلیدیغنی ناطق و مآلی بروجه محرر وصی نصب اولندیغنی بیانندن عبارت دیو فتواخانه عالیدن بالایه محرر ایسه ده مذکور لایحه نک اوچنچی بندی محتاج تدقیق اولمغله استینافاً اجرای محاکمه ضمنده اوراق تمیزیه قاضیعسکرلک محکمه علیه سنه تودیع قلندی .

★
★ ★

نابلس سنجائی محکمه سندن ۸ ربیع الاخر سنه ۱۲۳۴ تاریخیه اعطا اولنان اعلام حقنده

اشبو اعلام شرعی و فاطمه امضالی لایحه اعتراضیه مطالعه اولندی .

اعلام مذکورک خلاصه مآلی الحاج محمد افندینک و کیلی احمد افندی مجلس شرعده فاطمه خاتون مواجهه سنده موکل مومی الیهک متوفی سعید ذمتنده اکیوز طیه بغدادی اثمائی اوله رق الهجنی اولان طقوز بیک یوز یکر می ایکی غروش اوتوز پاره ایله بطریق السلم و یردیکی بشیوز غروشه مقابل اعطاسی لازمکلان یدی دستی زیتون یاغنک مدعی علیها مزبورده نک واضعه الید اولدینی متوفای مرقومک ترکه وافی سندن تسلیمنی انکاره مقارن دعوی ایتمش و اولبایده ابراز ایلدیکی سند کاتب عدل طرفندن مصدق و بلاینه مضمونیه عمل جائز اولور سندات شرعیه دن بولنش اولغله استظهاراً بعد التحلیف موجبجه بالحکم مذکور مبلغ وزیتون یاغنی موکل مومی الیه حاجی محمد افندی به متوفای مرقومک ترکه وافی سندن تسلیمه مدعی علیها مرقومه به تنیه اولندیغنی ناطق ایسه ده نتیجه مآلی مسلم فیه مذکورک محل تسلیمی دخی حین عقد سلمده تعیین ایدلمش و غیر منقطع بولنش ایسه حکم و تنیه مذکورلر حقنده اصولنه موافق دیو فتواخانه عالبدن محرر قیدلر اوراقی میاننده بولنان ضبط دعوی صورت مصدقه سندن دخی حل اولنه مادیغندن مذکور قیدلره نظراً اجرای محاکمه ضمتنده اوراق تمیزیه لواء مذکور قاضیلکنه مظروفاً اعاده قلندی .

★ ★

بر شرکت صندوقنده شرکادن برینک موجود اولان حصه سنداتی حقنده شرکته مدیوناً وفاتندن صوکره یاپیله حق معامله به دائر [*]

حواله بیوریلان اقشهر قاضیلکنک ۱۴ رجب ۱۳۳۴ تاریخی عریضه سی و ملفوفی لیدی القرائه شرکت مذکوره طرفندن درمیان اولنان الاجق و رهن دعواسی محکمه

[*] بوبایده اقشهر قاضیلکنک تحریراتی صورتیدر :

اقشهرک ولد جلال محله سندن ایکن بوندن اقدم وفات ایدن حاجی عرب علی زاده محمودک اقشهرده محلی اهالیسی طرفندن تشکیل اولنوب الیوم مع حصه تمتع هربری اوتوزر لیرای عثمانی اعتبارنده بیک عدد حصه سنداتندن مرکب اقتصاد عثمانی شرکتی عنوانیه معنون شرکت صندوقنده اون طقوز عدد حصه سنداتی اولدینی و اوامر علیه مبلغه احکام جلیله سنه توفیقاً سندات معروضه نک ایتم صندوقنه تسلیم ایدلمسی شرکت مذکوره دن طلب اولندقدده مذکور حصه جزدانلری متوفی محمود طرفندن شرکته متحقق دینه قارشو مرهون بولندیغنی و دین تسویه ایدلمکجه مرهون اولان حصه سنداتنک محکمه شرعیه به تسلیم ایدیله میه چکی شرکادن متشکل هیئت اداره طرفندن منصوب مدیر طرفندن بیان ایدلمکده اولدیغندن بوبایده ایدیله چک معامله شرعیه نک امر وازبارینه مساعدۀ علیه حضرت فتواپناهیلرینک سزاوار بیورلسی باینده

شرعیه ده تعقیب اولندیغی صورتده اجرا اولنه جق محاکمه نتیجه سنده تین ایددجک حاله کوره معامله اولنسی و عکسی حالده مراجعت و تعقیب وقوعنده ایجاب شرعیسی اجرا اولنقی اوزره شرکته مقربه اولان مباحوث عنه سنداتک بالاخذ محکمه ده حفظی مناسب اواه جفتک مذکور قاضیلکه جواباً اشعار بیورلمسی بابنده

★
★ ★

ترکه لری موجب تحریر اوله رق وفات ایدن اصحاب معاشک مال صندوقلرنده کی مطلوبلرینک ورثه لرینه ویرلیوب محاکم شرعیه تسلیمی حقنده

دمیر کوی قضاسی قاضیلکنک ایتم اداره سندن تودیع ایدیلاان عریضه سی و ملفوفی لدی القرائه مبلغ مذکور دن صفارک حصه لرینه اصابت ایدن مقدارک قابضندن تحصیلی خصوصنک جواباً اشعاری و بعد ما اصحاب معاشدن اولوبده ترکه سی موجب تحریر اوله رق وفات ایدنلرک مال صندوقلرنده مطلوبلری اولدیغی صورتده ورثه یه ویریه رک محاکم شرعیه تسلیم اولنسی لزومنه دائر مأمورین مالیه یه تبلیغات مقتضیه اجرایی حقنده مالیه نظارت جلیله سنده تذکره علیه تسطیری تذکر ایدلدی اولبابده

★
★ ★

مهر اثبات اولمدجه ترکه دن اعطا اولنه میه جتی حقنده

ازینه قاضیلکنک حواله بیوریلان ۱۷ ربیع الاخر ۳۳۴ تاریخی عریضه سی و ملفوفی ایله زیرنده محرر ایتم مدیریتک درکناری لدی القرائه مهردیوندن معدود اولوب برنج شرعی ثابت و حکم لاحق اولمدجه ترکه دن اعطاسنه مساع شرعی اولمدیغی جهته شمدی یه قدر اجرا ایدیله کادیکی حکایه اولنائ معامله شرعیه مخالف و دیونک قلت و کثرتی نظر شرعه غیر معتبر اولدیغندن اولبابده احکام شرعیه یه توفیق معامله اولنسی لزومنک مذکور قاضیلکه امر وازبار بیورلمسی بابنده

★
★ ★

حقوق عائله دعاویسنده طرفین اجنبی اولدقلری صورتده تعیین مرجع حقنده

ایوالق قضاسی قاضیلکنک حواله بیوریلان ۶ جمادی الاخره ۳۳۴ تاریخی عریضه سی لدی القرائه اجنیلرک حقوق و وظائفه دائر قانونک دردنجی ماده سی موجبجه حقوق عائله یه عائد دعاویده طرفین اجنبی اولدقلری صورتده دعوالرینک محاکم عثمانیه ده رؤیت

ایدیله بیلیمسی طرفینک بالرضا مراجعتنه ویا تبعه عثمانیه نك علاقهدار بولمسنه متوقف
وزوجه مرقومه اناسطاشیه دستورک برنجی جلدنده مندرج تابعیت نظامنامه سنک یدنجی
ماده سی موجبنجه تبعه یونانیه دن اولان زوجه تابع اولسنه بناءً دعواى مباحوث عنها
محکمه شرعیه ده رؤیت ایدیله میه جکنک جواباً مذکور قاضیلکه اشعارى تذکر ایدلدى اولباده



تذاکر و محرمات علیه

تحت تمهیره آلنان ترکه حقنده

تحت تمهیره آلمش اولان اشیانک بالحا که تبین ایده جک حاله کوره اقتضاسی ایفا
اولنق اوزره کماکان تحت تمهیره بولندیرلمسی و فقط بونلر میاننده متسارع الفساد اشیا
بولندیغی صورتده بالمزایده بیع اولنه رق ائماننک امانه ایتام صندوقده حفظی و بحث
ایدیلن ذخائر ائماننک ده تماماً محکمه جه قضی ایله اولباده کی اختلاف بالحا که حل و فصل
ایدیلنجه یه دکی کذلک ایتام صندوقده محافظه سی اقتضا ایده جکنک مجلس تدقیقات شرعیه
افاده سیله اشعارینه مبادرت قلندی .

★
★ ★

نکاح دعواسنده منع معارضه حکمنک رأساً تابع تمیز اولدیغنه دائر [*]

بحث اولنان حکمنک رأساً تابع تمیز اولدیغنک مجلس تدقیقات شرعیه افاده سیله صوب
شریفکزه اشعارینه مبادرت قلندی .

★
★ ★

[*] بوبابده میخالیجق قاضیلکنک تحریراتی صورتی :

طلاقه دائر ویریلان حکم تمیزاً تدقیق و تصدیق اولنمدجه مطلقه نك زوج آخره وارمسی
و بوبابده اذنامه ویرلمسی ۱۱ ربیع الآخر سنه ۳۳۲ و ۶ مارت سنه ۳۲۹ تاریخی قرار عالی
ایله ممنوع اولوب موجبنجه عمل اولنمده ایسه ده نکاحه دائر زوجیت ادعاسنده بولنان مدعینک
مدعی علیهایه معارضه دن منع اولنسنه دائر ویریلان حکمده طلاق کبی رأساً تمیزاً تدقیق و تصدیق
اولنمدجه مدعی علیها ضروره نك زوج آخره وارمسی ایچون اذنامه ویرلمسی ممنوع اولوب اولدیغنده
تردد ایدلدیکندن استیدان اولنور افندم .